



საქართველოს განათლებისა და მეცნიერების მინისტრი

ბრძანება №368

თბილისი

15. 06 2011წ.


2011-2012 სასწავლო წელს უმაღლეს საგანმანათლებლო დაწესებულებებში აკადემიური უმაღლესი განათლების პირველი საფეხურის აკრედიტებულ უმაღლეს საგანმანათლებლო პროგრამაზე ჩარიცხულ სტუდენტთა სოციალური პროგრამის ფარგლებში სახელმწიფო სასწავლო გრანტით დაფინანსებისათვის წარმოსადგენი დოკუმენტების ნუსხის დამტკიცების შესახებ

“საქართველოს განათლებისა და მეცნიერების სამინისტროს დებულების დამტკიცების შესახებ” საქართველოს მთავრობის 2004 წლის 21 მაისის №37 დადგენილებით დამტკიცებული “საქართველოს განათლებისა და მეცნიერების სამინისტროს დებულების” მე-3 მუხლის მე-2 პუნქტის “მ” ქვეპუნქტის საფუძველზე,

ვ ბ რ ძ ა ნ ე ბ:

1. დამტკიცდეს 2011-2012 სასწავლო წელს უმაღლეს საგანმანათლებლო დაწესებულებებში აკადემიური უმაღლესი განათლების პირველი საფეხურის აკრედიტებულ უმაღლეს საგანმანათლებლო პროგრამაზე ჩარიცხულ სტუდენტთა სოციალური პროგრამის ფარგლებში სახელმწიფო სასწავლო გრანტით დაფინანსებისათვის წარმოსადგენი განცხადების ფორმა დანართი 1-ის შესაბამისად;


2. დამტკიცდეს 2011-2012 სასწავლო წელს უმაღლეს საგანმანათლებლო დაწესებულებებში აკადემიური უმაღლესი განათლების პირველი საფეხურის აკრედიტებულ უმაღლეს საგანმანათლებლო პროგრამაზე ჩარიცხულ სტუდენტთა სოციალური პროგრამის ფარგლებში სახელმწიფო სასწავლო გრანტით დაფინანსებისათვის წარმოსადგენი დოკუმენტების ნუსხა დანართი 2-ის შესაბამისად;



3. დაევალოს საზოგადოებასთან ურთიერთობის დეპარტამენტს ბრძანების გამოქვეყნება სამინისტროს ოფიციალურ ვებ-გვერდზე;

4. ბრძანება ძალაშია ხელმოწერისთანავე;

5. ბრძანება შეიძლება გასაჩივრდეს მისი გამოცემიდან ერთი თვის ვადაში ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, აღმაშენებლის ხეივანი მე-12 კმ., №6).



დimitრი შაშვიანი

A handwritten signature in black ink, appearing to be 'Dimitri Shashviani', written over the printed name.

საქართველოს განათლებისა და მეცნიერების  
მინისტრს ბატონ დიმიტრი შაშკინს

მოქალაქე .....  
(გვარი, სახელი, მამის სახელი)

.....  
(პირადი ნომერი) (აბიტურიენტის საიდენტიფიკაციო კოდი)

**გ ა ნ ც ხ ა დ ე ბ ა**

.....წელს ჩავირიცხე .....  
(მიუთითეთ ჩარიცხვის წელი)

(უმაღლესი საგანმანათლებლო დაწესებულების დასახელება, ფაკულტეტი)

მივეკუთვნები საქართველოს მთავრობის 2011 წლის 11 მარტის №125  
დადგენილებით განსაზღვრულ შემდეგ კატეგორიას: .....

(მიუთითეთ კატეგორია/კატეგორიები)

გთხოვთ, განიხილოთ ჩემი კანდიდატურა სოციალური პროგრამის ფარგლებში  
სახელმწიფო სასწავლო გრანტით დაფინანსების მიზნით.

დანართი: ..... ფურცელი.

შენიშვნა: განმცხადებელი ვალდებულია წარმოადგინოს ყველა ის დოკუმენტი, რომელიც მოეთხოვება  
განცხადებაში მითითებული კატეგორიის/კატეგორიების მქონე პირს.

წარმოდგენილი დოკუმენტაცია: .....

განმცხადებლის საკონტაქტო ინფორმაცია:

მისამართი .....

ტელეფონი ..... მობილური .....

ვადასტურებ წარმოდგენილი დოკუმენტაციის და ინფორმაციის ნამდვილობას და  
ვაცნობიერებ აღნიშნულთან დაკავშირებით ჩემ პასუხისმგებლობას.

განმცხადებლის ხელმოწერა ..... განცხადების შევსების თარიღი.....

2011-2012 სასწავლო წელს უმაღლეს საგანმანათლებლო დაწესებულებებში აკადემიური უმაღლესი განათლების პირველი საფეხურის აკრედიტებულ უმაღლეს საგანმანათლებლო პროგრამაზე ჩარიცხულ სტუდენტთა სოციალური პროგრამის ფარგლებში სახელმწიფო სასწავლო გრანტით დაფინანსებისათვის წარმოსადგენი დოკუმენტების ნუსხა

1. სტუდენტებმა, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს მაღალმთიანი და ეკოლოგიური მიგრაციის რეგიონებში არსებულ ზოგადსაგანმანათლებლო დაწესებულებაში, აქედან:

- ა) მესტიის მუნიციპალიტეტში;
- ბ) ლენტეხის მუნიციპალიტეტში;
- გ) ონის მუნიციპალიტეტში;
- დ) ქედის მუნიციპალიტეტში;
- ე) ხულოს მუნიციპალიტეტში;
- ვ) შუახევის მუნიციპალიტეტში;
- ზ) ყაზბეგის მუნიციპალიტეტში;
- თ) დუშეთის მუნიციპალიტეტში (ბარისახოს, შატილის, ქვეშეთის, მღეთის, მადაროსკარისა და გუდამაყრის სკოლებში);
- ი) ადიგენის მუნიციპალიტეტში;
- კ) ახალქალაქის მუნიციპალიტეტში;
- ლ) ნინოწმინდის მუნიციპალიტეტში;
- მ) წალკის მუნიციპალიტეტში;
- ნ) დმანისის მუნიციპალიტეტში;
- ო) ახმეტის მუნიციპალიტეტში (პანვისის ხეობისა და ზემო და ქვემო ალვანის სკოლებში);
- პ) ასპინძის მუნიციპალიტეტში

სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

- 1.1. განცხადება;
- 1.2. საქართველოს მოქალაქის პირადობის მოწმობის (პასპორტის) ასლი;
- 1.3. სრული ზოგადი განათლების დამადასტურებელი დოკუმენტის ასლი;

2. სტუდენტებმა, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს აზერბაიჯანულენოვან ან სომხურენოვან ზოგადსაგანმანათლებლო დაწესებულებაში, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად, საქართველოს განათლებისა და მეცნიერების სამინისტროში 2011 წლის

ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

- 2.1. განცხადება;
- 2.2. საქართველოს მოქალაქის პირადობის მოწმობის (პასპორტის) ასლი;
- 2.3. სრული ზოგადი განათლების დამადასტურებელი დოკუმენტის ასლი;
- 2.4. ცნობა ზოგადსაგანმანათლებლო დაწესებულებიდან შესაბამის სკოლაში ბოლო სამი წლის განმავლობაში სწავლის შესახებ, სწავლების ენის მითითებით.

3. სტუდენტებმა, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს საჩხერის მუნიციპალიტეტის სოფელ პერევეში არსებულ ზოგადსაგანმანათლებლო დაწესებულებაში ან 2008 წლის 7 აგვისტომდე, ბოლო ორი წლის განმავლობაში სწავლობდნენ საჩხერის მუნიციპალიტეტის სოფელ პერევეში არსებულ ზოგადსაგანმანათლებლო დაწესებულებაში, ხოლო სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის ფარგლებს გარეთ, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

- 3.1. განცხადება;
- 3.2. საქართველოს მოქალაქის პირადობის მოწმობის (პასპორტის) ასლი;
- 3.3. სრული ზოგადი განათლების დამადასტურებელი დოკუმენტის ასლი;
- 3.4. ცნობა ზოგადსაგანმანათლებლო დაწესებულებიდან შესაბამის სკოლაში ბოლო ორი წლის განმავლობაში სწავლის შესახებ, ან ცნობა 2008 წლის 7 აგვისტომდე შესაბამის სკოლაში ბოლო ორი წლის განმავლობაში სწავლის შესახებ.

4. სტუდენტებმა, რომლებიც არიან საქართველოს ტერიტორიული მთლიანობისათვის ბრძოლებში დაღუპულთა და უგზო-უკვლოდ დაკარგულთა შვილები, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

- 4.1. განცხადება;
- 4.2. საქართველოს მოქალაქის პირადობის მოწმობის (პასპორტის) ასლი;
- 4.3. დაბადების მოწმობის ასლი;
- 4.4. საქართველოს ვეტერანთა საქმეების დეპარტამენტის მიერ გაცემული მოწმობის ასლი, რითაც დასტურდება, რომ სტუდენტი არის საქართველოს ტერიტორიული მთლიანობისთვის ბრძოლაში დაღუპულის შვილი ან ცნობა ლტოლვილთა და განსახლების სამინისტროდან მშობლის საქართველოს ტერიტორიული მთლიანობისთვის ბრძოლაში უგზო-უკვლოდ დაკარგულად აღიარების შესახებ;
- 4.5. მშობლის/მშობლების გარდაცვალების მოწმობის ასლი/ასლები.

შენიშვნა: სტუდენტებმა, რომლებიც არიან საქართველოს ტერიტორიული მთლიანობისთვის ბრძოლებში დაღუპულთა და უგზო-უკვლოდ დაკარგულთა შვილები, ჩარიცხულნი არიან ერთიანი ეროვნული გამოცდების შედეგად და ვერ მოიპოვეს სრული გრანტი ან მოიპოვეს გრანტის ნაწილობრივი ოდენობა, მათ შორის 2010-2011, 2009-2010, 2008-2009, 2007-2008, 2006-2007 სასწავლო წლის სოციალური პროგრამის დაფინანსების ფარგლებში, უნდა წარმოადგინონ ასევე ცნობა უმაღლესი საგანმანათლებლო დაწესებულებიდან.

5. სტუდენტებმა, რომლებიც არიან კომუნისტური რეჟიმის დროს საქართველოდან დეპორტირებული სამცხე-ჯავახეთის მოსახლეობის შთამომავლები, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

5.1. განცხადება;

5.2. საქართველოს მოქალაქის პირადობის მოწმობის (პასპორტის) ასლი;

5.3. ცნობა ლტოლვილთა და განსახლების სამინისტროდან პირის სამცხე-ჯავახეთიდან დეპორტაციის შესახებ;

5.4. ამ მუხლის 5.3. პუნქტით გათვალისწინებული პირის შთამომავლობის დამადასტურებელი დოკუმენტი.

6. სტუდენტებმა, რომლებიც არიან ობოლნი (უდედმამო), სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

6.1. განცხადება;

6.2. საქართველოს მოქალაქის პირადობის მოწმობის (პასპორტის) ასლი;

6.3. დაბადების მოწმობის ასლი;

6.4. მშობლების გარდაცვალების მოწმობების ასლები ან სხვა დოკუმენტი (მაგ., სასამართლო გადაწყვეტილება), რომლითაც დასტურდება რომ პირს არ ჰყავს მშობლები.

7. სტუდენტებმა, რომლებიც არიან მრავალშვილიანი ოჯახის (ოთხი და მეტი შვილით) წევრები, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

7.1. განცხადება;

7.2. საქართველოს მოქალაქის პირადობის მოწმობის (პასპორტის) ასლი;

7.3. განმცხადებლის და მისი და-ძმების დაბადების მოწმობების ასლები.

8. სტუდენტებმა, რომლებიც არიან მკვეთრად/მნიშვნელოვნად გამოხატული შეზღუდული შესაძლებლობის მქონე პირები, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

8.1. განცხადება;

8.2. საქართველოს მოქალაქის პირადობის მოწმობის (პასპორტის) ასლი;

8.3. მკვეთრად/მნიშვნელოვნად გამოხატული შეზღუდული შესაძლებლობის დამადასტურებელი სამედიცინო ცნობა (ფორმა №IV-50/4).

9. სტუდენტებმა, რომელთა ოჯახები რეგისტრირებული არიან სოციალურად დაუცველი ოჯახების მონაცემთა ერთიან ბაზაში და მათი ოჯახების სარეიტინგო ქულა ტოლია ან ნაკლებია 70000-ზე, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

9.1. განცხადება;

9.2. საქართველოს მოქალაქის პირადობის მოწმობის (პასპორტის) ასლი;

9.3. სოციალურად დაუცველი ოჯახების მონაცემთა ერთიან ბაზაში რეგისტრაციის მოწმობის ასლი, რითაც დასტურდება რომ სტუდენტი ეკუთვნის სოციალურად დაუცველ ოჯახს.

10. სტუდენტებმა, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის საზღვრისპირა სოფლებში არსებულ ზოგადსაგანმანათლებლო დაწესებულებებში, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან, არა უგვიანეს 10 ოქტომბრისა უნდა წარმოადგინონ:

10.1. განცხადება;

10.2. საქართველოს მოქალაქის პირადობის მოწმობის (პასპორტის) ასლი;

10.3. სრული ზოგადი განათლების დამადასტურებელი დოკუმენტის ასლი;

11. სტუდენტებმა, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს აფხაზეთის ავტონომიურ რესპუბლიკაში არსებულ ზოგადსაგანმანათლებლო დაწესებულებებში, ან რომელთა სრული ზოგადი განათლების აღიარება მოხდა საქართველოს განათლებისა და მეცნიერების სამინისტროს მიერ დადგენილი წესით, ასევე სტუდენტები, რომლებიც 2008

წლის 7 აგვისტომდე, ბოლო ორი წლის განმავლობაში სწავლობდნენ ოკუპირებულ ტერიტორიაზე, ხოლო სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის ფარგლებს გარეთ, სოციალური პროგრამის ფარგლებში დაფინანსების მისაღებად აფხაზეთის ავტონომიური რესპუბლიკის განათლებისა და კულტურის სამინისტროში 2011 წლის ერთიანი ეროვნული გამოცდების საბოლოო შედეგების გამოქვეყნებიდან არაუგვიანეს 3 ოქტომბრისა უნდა წარადგინონ შემდეგი დოკუმენტაცია:

- 11.1. განცხადება;
- 11.2. საქართველოს მოქალაქის პირადობის მოწმობის (პასპორტის) ასლი;
- 11.3. სრული ზოგადი განათლების დამადასტურებელი დოკუმენტის ასლი;
- 11.4. ცნობა ზოგადსაგანმანათლებლო დაწესებულებიდან შესაბამის სკოლაში ბოლო ორი წლის განმავლობაში სწავლის შესახებ, ან ცნობა 2008 წლის 7 აგვისტომდე შესაბამის სკოლაში ბოლო ორი წლის განმავლობაში სწავლის შესახებ.

12. სტუდენტებმა, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს ცხინვალის რეგიონში (ყოფილი სამხრეთ ოსეთის ავტონომიური ოლქის ტერიტორიები), მათ შორის ქურთის, ერედვისა და ახალგორის მუნიციპალიტეტებში არსებულ ზოგადსაგანმანათლებლო დაწესებულებებში, ან რომელთა სრული ზოგადი განათლების აღიარება მოხდა საქართველოს განათლებისა და მეცნიერების სამინისტროს მიერ დადგენილი წესით, ასევე სტუდენტები, რომლებიც 2008 წლის 7 აგვისტომდე, ბოლო ორი წლის განმავლობაში სწავლობდნენ ცხინვალის რეგიონში (ყოფილი სამხრეთ ოსეთის ავტონომიური ოლქის ტერიტორიები), მათ შორის ქურთის, ერედვისა და ახალგორის მუნიციპალიტეტებში არსებულ ზოგადსაგანმანათლებლო დაწესებულებებში, ხოლო სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის ფარგლებს გარეთ, სოციალური პროგრამის ფარგლებში დაფინანსების მისაღებად სამხრეთ ოსეთის ადმინისტრაციაში 2011 წლის ერთიანი ეროვნული გამოცდების საბოლოო შედეგების გამოქვეყნებიდან არაუგვიანეს 3 ოქტომბრისა უნდა წარადგინონ შემდეგი დოკუმენტაცია:

- 12.1. განცხადება;
- 12.2. საქართველოს მოქალაქის პირადობის მოწმობის (პასპორტის) ასლი;
- 12.3. სრული ზოგადი განათლების დამადასტურებელი დოკუმენტის ასლი;
- 12.4. ცნობა ზოგადსაგანმანათლებლო დაწესებულებიდან შესაბამის სკოლაში ბოლო ორი წლის განმავლობაში სწავლის შესახებ, ან ცნობა 2008 წლის 7 აგვისტომდე შესაბამის სკოლაში ბოლო ორი წლის განმავლობაში სწავლის შესახებ.

#### შენიშვნა:

1. ამ დანართის მე-11 და მე-12 პუნქტით გათვალისწინებულ შემთხვევაში, აფხაზეთის ავტონომიური რესპუბლიკის განათლებისა და კულტურის



სამინისტრო და სამხრეთ ოსეთის ადმინისტრაცია, ერთ კვირაში დაადგენს სტუდენტებისგან მიღებული დოკუმენტაციის შესაბამისობას "2011-2012 სასწავლო წელს უმაღლეს საგანმანათლებლო დაწესებულებებში აკადემიური უმაღლესი განათლების პირველი საფეხურის აკრედიტებულ უმაღლეს საგანმანათლებლო პროგრამაზე ჩარიცხულ სტუდენტთა სოციალური პროგრამის ფარგლებში სახელმწიფო სასწავლო გრანტით დაფინანსების ოდენობისა და პირობების განსაზღვრის შესახებ" საქართველოს მთავრობის 2011 წლის 11 მარტის №125 დადგენილებით განსაზღვრულ პირობებთან და სათანადო დოკუმენტებს წარუდგენს საქართველოს განათლებისა და მეცნიერების სამინისტროს.

2. ამ დანართის პირველი, მე-2, მე-3, მე-4, მე-5, მე-6, მე-7, მე-8, მე-9 და მე-10 პუნქტით გათვალისწინებული სტუდენტები ასევე, უფლებამოსილები არიან განცხადება წარადგინონ საქართველოს განათლებისა და მეცნიერების სამინისტროს ან აჭარის ავტონომიური რესპუბლიკის განათლების, კულტურისა და სპორტის სამინისტროს შესაბამის ტერიტორიულ ორგანოში - საგანმანათლებლო რესურსცენტრში, ერთიანი ეროვნული გამოცდების საბოლოო შედეგების გამოქვეყნებიდან არაუგვიანეს 3 ოქტომბრისა. საგანმანათლებლო რესურსცენტრი საქართველოს განათლებისა და მეცნიერების სამინისტროს ერთი კვირის ვადაში წარუდგენს სტუდენტების განცხადებებსა და თანდართულ დოკუმენტაციას.